

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-23852/19
Sarajevo, 23.12.2019. godine

Na osnovu člana 28. i člana 70. Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

I

Prihvata se ponuda ponuđača „Orman“ d.o.o. Kiseljak sa ponuđenom cijenom za ugovor u iznosu od 84.002,49 KM sa PDV-om u postupku javne nabavke - „Izvođenje dodatnih radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova i mostova (LOT 2) po osnovnom ugovoru br. 02/12-23-14866/18 od 03.9.2018. godine”, u pregovaračkom postupku bez objave obavještenja o nabavci.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Na osnovu dostavljenog izvještaja o radu Komisije za javne nabavke radova i preporuke za dodjelu ugovora konstatovano je da je tokom realizacije Ugovora br. 02/12-23-14866/18 od 03.9.2018. godine za izvođenje radova na rekonstrukciji, izgradnji i obnovi lokalnih i nekategorisanih cesta, trgova i mostova (LOT2), od strane stručno tehničkog nadzora „ABer Design” d.o.o. Sarajevo aktom br. 172-09/2019 od 27.9.2019. godine dostavljena informacija da je neophodno izvođenje dodatnih radova zbog rekonstrukcije u ulici Zaima Imamovića u punom poprečnom profilu umjesto ugovorene i planirane sanacije 50% širine poprečnog profila. Shodno navedenom, Služba za investicije i komunalne poslove obratila se zahtjevom broj 02/08-23-18279/19 od 07.11.2019. godine za pokretanje predmetnog postupka javne nabavke. Postupajući po navedenom shodno članu 18 stav 1. i članu 24. Zakona o javnim nabavkama donesena je Odluka o pokretanju postupka javne nabavke br. 02/12-23-23852/19 od 28.11.2019. godine - „Izvođenje dodatnih radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova i mostova (LOT 2) po osnovnom ugovoru br. 02/12-23-14866/18 od 03.9.2018. godine”, putem pregovaračkog postupka bez objave obavještenja o nabavci. Poziv za učešće broj 02/12-23-23852/19 od 02.12.2019. godine, u predmetnom pregovaračkom postupku, upućen je firmi „Orman“ d.o.o. Kiseljak.

Zapisnikom o otvaranju ponuda od 13.12.2019. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Orman“ d.o.o. Kiseljak sa ponuđenom cijenom za ugovor u iznosu od 84.002,49 KM sa PDV-om.

U toku postupka pregovaranja Komisija je razmatrala mogućnost smanjenja cijene u inicijalnoj ponudi, te pregovarala sa ovlaštenim predstavnikom ponuđača o istom. Zapisnikom o

pregovaranju konstatovano je da je ponuđač izjavio da je dostavljena ponuda na otvaranju ujedno i konačna. Zapisnici o otvaranju ponude i pregovaranju dostavljeni su ponuđaču na fax.

Komisija je izvršila analizu ponude i utvrdila da ista ispunjava uslove tražene tenderskom dokumentacijom, te izvršila računsku kontrolu ponude i konstatovala da nije bilo računске greške.

Nakon toga Komisija je putem Službe za investicije i komunalne poslove, dostavila konačnu ponudu stručno-tehničkom nadzoru na uvid. Nadzorni organ ABER Design" d.o.o. Sarajevo je svojim aktom broj 202-12/2019 od 19.12.2019. godine dostavio mišljenje da su jedinične cijene iz ponude „Orman“ d.o.o. Kiseljak iste ili niže od cijena iz osnovnog ugovora, stoga nadzor predlaže da se predmetna ponuda prihvati.

Imajući u vidu navedeno, na prijedlog Komisije za javne nabavke radova, a primjenom člana 64. stav 1. tačka b) Zakona o javnim nabavkama ("Službeni glasnik BiH" broj 39/14), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:
mr. Neira Smajčić Šahić

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić